

周禮注疏

附校勘記



附釋音周禮注疏卷第二十七

鄭氏注

賈公彥疏

御史掌邦國都鄙及萬民之治令以贊冢宰

王所以治之令冢宰

掌王治

○治直吏

疏

御史至冢宰○釋曰天官冢宰六典治邦國八則治都鄙及畿

內萬民之治今此御史亦掌之以贊佐故同其事

凡治者受灋令焉

為書寫其治之法令

來受則

疏

凡治至令焉○釋曰言凡語廣謂外內官所有治職者皆御史書王之法令授與受

者故言凡

掌贊書

王有命當以書致之則贊為辭若今尚書作詔文

疏

注王有至

詔文○釋曰謂若今出詔勅之書是王有命頒下

於外其詔勅書則御史贊王為此書故云掌贊也

凡數

從政者

自公卿以下至胥徒凡數及其見在空缺者鄭司農讀書掌贊書數書數者經禮三百曲禮三

干法度皆在立以為不辭故改之云○數所主反見賢徧反

疏

凡數從政者○釋曰自公卿已下至

胥徒在王朝者皆是凡數又是從政之人故云凡數從政者也先鄭所云以掌贊書數為句讀之立以為不辭故鄭後云者掌贊書數書數既為三百三十有何可贊也且書數得為三百三十下別言從政者有何義意乎故後鄭以為不辭而改之也

巾車掌公車之政令辨其用與其旗物而等敘之以治

其出入

公猶官也用謂祀賓之屬旗物大常疏巾車以下等敘之以封同姓異姓之次敘

疏

巾車

入。釋曰云公車之政令者以下辨其用及等敘出入皆是政令故先言其摠也出入謂若下文凡車之出入則會之冬官造車訖來入巾車又當出封同姓之等亦是也。注公猶至次敘。釋曰云公猶官也者謂若言公似據三公及諸侯若言官則王家皆是故從官也云用謂祀賓之屬者其中仍有朝及田戎之等故言之屬以總之云太常以下仍有大旂大赤大白大麾之等故云以下云等敘之以封同姓異姓之次敘者周人先同姓次異姓後云四衛蕃國以下故云次序也

王之五路一曰玉路錫樊纓十

有再就建大常十有二旂以祀

王在焉曰路王路以玉飾諸末錫馬面當盧刻

金爲之所謂鏤錫也樊讀如輦帶之輦謂今馬大帶也鄭司農云纓謂當胃士喪禮下篇曰馬纓三就禮家說

曰纓當胃以制革爲之三就三重三匝也玄謂纓今馬鞅王路之樊及纓皆以五采屬飾之十二就就成也大

常九旗之畫日月者正幅爲繆旂則屬焉○錫音陽樊步干反下同旂音留輦步干反重直龍反屬居例反繆

所御反又所旂音留輦步干反重直龍反屬居例反繆廉反屬音燭

云以祀者以下諸路皆非祭祀之事則一名外內大小祭祀皆用此一路而已○注王在至屬焉釋曰言王在

焉曰路者謂若路門路寢路車路馬皆稱路故廣言之云王在焉曰路路大也王之所在故以大爲名諸侯亦

然左氏義以爲行於道路故以路名之若然門寢之等豈亦行於路乎云玉路以玉飾諸末者凡言玉路金路

象路者皆是以玉金象爲飾不可以玉金爲路故知王金等飾之言諸末者凡車上之材於末頭皆飾之故云

諸末也云錫馬面當盧刻金爲之者眉上曰錫故知當額盧按韓奔詩鉤膺鏤錫金稱鏤故知刻金爲之故鄭

引詩云所謂鏤錫也彼詩毛傳亦云金鏤其錫鄭箋云
眉上曰錫刻金飾之云樊讀如鞞帶之鞞者按易訟卦
上九云或錫之鞞帶注云鞞帶佩鞞之帶但易之鞞謂
鞞囊卽內則云男鞞革是也此鞞謂馬大帶音字同故
讀從之是以鄭卽云馬大帶也先鄭云纓謂當留引士
喪禮下篇馬纓以削革爲之賈馬亦云鞞纓馬飾在膺
前十有二市以毛牛尾金塗十二重後鄭皆不從之者
以鞞爲馬大帶明纓是夾馬頸故以今馬鞞解之也後
鄭云玉路之樊及纓皆以五采屬飾之者按爾雅釋言
云釐屬也郭氏云毛釐所以爲屬如是屬染毛爲之鄭
必知屬飾之者蓋以今時所見疑之必知用五采者按
典瑞云鎮圭纁五采五就則知王者就飾用五采惟有
外傳小采以朝月者用三采耳纁藉五不卽云五就則
一采一市爲一就此中樊纓十二就之屬就數雖多亦
一采一市爲一就如玉藻十二就然大常九旗之畫日
月者按司常云日月爲常是也云正幅爲纁者爾雅文
知旂則屬焉者爾雅云纁帛繆練旒九繆金路鈎樊纓
旒用物不同旒又有數明知別屬可知也金路鈎樊纓
九就建大旂以賓同姓以封之鈎也金路諸末鈎斐領

以金爲之其樊及纓以五采屬節之而九成大旂九旗
之畫交龍者以賓以會賓客同姓以封謂王子母弟率
以功德出封雖爲侯伯其畫服猶如上公若魯衛之屬
其無功德各以親疏食采畿內而已故書鉤爲拘杜子
春讀爲鉤。旂其依反賓如字劉沆疏。金路至以封
方刃反領戶感反率音律又音類。疏。○釋曰上五
路云一曰此已下皆不云二曰三曰之等者若據王而
言玉路言一曰則金路已下二曰三曰之等可知若據
諸侯言之從此金路已下所受得各自爲上故此已下
略不言二曰三曰之等也云同姓以封者周人先同姓
故得金路賜異姓已下則用象路之等同姓雖尊仍不
得玉路玉路以祭祀故不可分賜。○注金路至爲鉤。
釋曰云金路以金飾諸末者亦如玉路所飾也云鉤婁
領之鉤也者詩云鉤膺鏤錫鉤連言膺明鉤在膺前以
今驗古明鉤是馬婁領也云金路無錫有鉤者以玉路
金路二者相參知之何者玉路云錫金路云鉤明知金
路有鉤無錫上得兼下言之則玉路直言錫兼有鉤可
知云亦以金爲之者錫用金明鉤亦用金爲飾也云九
成者亦如上一采屬爲一成凡九就九成也云大旂九
旗之畫交龍者司常職文云以賓以會賓客者按齊右

會同賓客前齊車故知以賓是以會賓客至於載主亦同焉故曾子問云天子巡守以遷廟主行載於齊車注云齊車金路若王弔亦乘金路是以士喪禮注云君弔蓋乘象路謂得金路之賜者弔時降一等乘象路明知王有玉路弔時降一等乘金路可知云同姓以封謂王子母弟率以功德出封雖爲侯伯其畫服猶如上公若魯衛之屬者周之法二王之後稱公王之同姓例稱侯伯而已若魯衛稱侯鄭稱伯故兼云雖爲侯伯也知畫服如上公者典命云上公九命車旗衣服以九爲節是上公九命服袞冕又云侯伯七命車旗衣服以七爲節則服鷩冕爲異姓侯伯若魯衛鄭雖爲侯伯則服袞受五百里之封是以明堂位魯侯服袞冕是雖爲侯伯服如上也言此者欲見二王後上公雖是異姓庶姓乘金路今同姓王子母弟以衣服與上公同明乘金路亦同矣云其無功德各以親疏食采畿內而已者天工不可私非其才其無功德不可輒授之以職禮運云天子有田以處其子孫故封之於畿內而已是以司裘云諸侯則其熊侯豹侯是王子母弟封於畿內者也言親疏食采者按載師職家邑任稍地小都任縣地六都任疆地其中非直有公卿大夫食采若親王母弟則與公同

食大都百里稍疏者與卿同食小都五十里更疏者與大夫同食二十五里耳故云各以親疏食采畿內而已

象路朱樊纓七就建大赤以朝異姓以封象路以象飾諸末象路無

鉤以朱飾勒而已其樊及纓以五采屬飾之而七成大赤九旗之通帛以朝以日視朝異姓王甥舅○朝直遙

反注疏注象路至甥舅○釋曰象路以象飾諸末者此所飾亦如玉金矣但用象為異此云象路

皆同無鉤以朱飾勒而已者經不云鉤明無鉤經直云先鄭知以朱飾勒者見下文革路云龍勒明知此朱同為飾

勒也云大赤九旗之通帛者司常職文以日視朝者謂於路門外常朝之處乘之此雖據常朝而言至於三朝

皆乘之按司常云道車建旄鄭注云道車象路也王以朝夕燕出入乘此象路則建旄若在朝廷大赤也其車

則同也云異姓王甥舅者謂先王及今王有舅甥之親若陳國杞國則別於庶姓故乘象路之車也革路

龍勒條纓五就建大白以卽戎以封四衛革路鞅之以革而漆之無

他飾龍駢也以白黑飾韋雜色為勒條讀為條其樊及纓以條絲飾之而五成不言樊字蓋脫爾以此言條知

玉路金路象路節樊纓皆不用金玉象矣大白殷之旗
猶周大赤蓋象正色也即戎謂兵事四衛四方諸侯守

衛者蠻服以內。龍如字駢音

疏

注革路至以內。○釋曰云革路鞅之

彪條作條他刀反鞅莫干反

以革而漆之無他飾者自玉路金路象路四者皆以革

鞅則冬官云飾車欲侈者也但象路以上更有玉金象

為飾謂之他物則得玉金象之名此革路亦用革鞅以

無他物飾則名為革路也鄭知駢是白黑飾韋雜色為

勒者以續人云白與黑謂之黼黑白相形之物且下有

駢車邊側有黑漆為駢此革路既素又有大白之旗故

以白黑駢為雜也云以此言條知玉路金路象路節樊

纓皆不用金玉象矣者上玉路鞅纓十有二就馬氏以

為旄牛尾金塗十二重有此嫌故微破之也云大白殷

之旗猶周大赤蓋象正色也者明堂位云殷之大白周

之大赤相對而言故云猶周大赤周以十一月為正物

萌色赤殷以十二月為正物牙色白是象正色無正文

故云蓋云即戎謂兵事也者司服兵事韋弁服車服相

配俱是即戎故云謂兵事也趙商問巾車職云建大白
以即戎注云謂兵事司馬職仲秋辨旗物以治兵王載
大常下注云凡班旗物以出軍之旗則如秋不知巾車

大白以卽戎爲在何時荅曰殷之正色者或會事或勞
師不親將故建先王之正色異於親自將又按司馬法
云章夏以日月上明殷以虎上威周以龍上文不用大
常者周雖以日月爲常以龍爲章故郊特牲云龍章而
設日月又按周本紀武王遂入至紂之死所王射之三
發而后下車以輕劒斬紂頭懸於大白之旗不用大常
者時未有周禮故武王雖親將猶用大白也云四衛四
方諸侯守衛者蠻服以內者此四衛非謂在衛服者以
其諸侯非同姓與王無親卽是庶姓在四方六服已木
內衛守王大司馬以要服爲蠻服故云蠻服以內也木
路前樊鵠纓建大麾以田以封蕃國之木路不輓以革漆
剪之翦翦淺黑也木路無龍勒以淺黑飾韋爲樊鵠色
飾韋爲纓不言就數飾與革路同大麾不在九旗中以
正色言之則黑夏后氏所建田四時田獵蕃國謂九州
之外夷服鎮服蕃服杜子春云鵠或爲結○前作翦子
踐反鵠疏注木路至爲結○釋曰鄭知木路不輓以
戶篤反疏革者以其言木則木上無革可知必知有
漆者以其喪車尙有漆者況吉之乘車有漆可知云前
讀爲緇翦之翦者讀從旣夕文也彼爲加茵用疏布緇

翦有幅亦縮二橫三鄭云翦淺也此前亦取淺義故讀
從之知木路無龍勒者以經不云勒明降於革路無龍
勒可知云大麾不在九旗中者上大白亦不在九旗之
中而不言者九旗之中雖無大白仍有雜帛爲物兼在
殷正色故此特言之云以正色言之則黑夏后氏所建
者此亦以正色言之上文大赤據周大白據殷則此大
麾當夏之正色黑故言夏后氏所建也按明堂位有虞
氏之旂夏后氏之綬鄭注云有虞氏當言綬夏氏當言
旂若然則夏后氏有旂無綬今此大麾則綬而爲夏后
氏所建者彼以前代質後代文差之則綬當有虞氏旂
當夏后氏但旂旂皆上有綬夏之旂去旒旒而用之卽
是綬故以正色推之當夏也云田四時田獵者趙商問
巾車職曰建大麾以田注云田四時田獵商按大司馬
職曰四時皆建大常今又云建大麾以田何荅曰麾夏
之正色雖習戰春夏尙生其時宜入兵夏本不以兵得
天下故建其正色以春田秋冬出兵之時乃建大常故
雜問志云四時治兵王自出禮記天子殺則下大綬司
馬職王建大常足相參正云蕃國謂九州之外夷服鎮
服蕃服者按司馬職要服已內爲九州其外更有三服
夷鎮蕃摠而言之皆號蕃國是以此文及大行人謂之

蕃國也。杜子春云：鵠或爲結者。按馬氏云：前樊結纓謂再重樊纓。在前有結，在後往結。革以爲堅，且飾節。良以爲樊纓皆有采，就則前與鵠亦可以爲飾。而賈氏謂前纓有結，其義非。今子春爲結，後鄭引之在下，得通一義。故也。凡五等諸侯所得路者，在國祭祀及朝天子，皆乘之。但朝天子之時，乘至天子館，則舍之於館。是以觀禮記云：偏駕不入王門，謂舍之於客館。乘墨車，龍旂以朝。鄭云：在旁與已同。曰：偏若兩諸侯自相朝，亦應乘之。若齊弔及朝，并朝夕燕出入，可降一等。若在軍，皆乘廣車。若以田以鄙，則乘木路也。若五等諸侯親迎，皆乘所賜路。以其士親迎，攝盛乘大夫車，則大夫已上尊則尊矣。不可更攝盛轉乘在上之車。當乘所賜車，與祭祀同則王乘玉路可也。若然，同姓金路，無錫。韓侯受賜得有鏤錫者，正禮雖不得，後有功德，特賜有之也。若如鄭注：同姓雖爲侯伯，畫服如公，得乘金路。若爲子男，似不得當與異姓同乘象路也。異姓象路，則降上公。以其上公雖庶姓，亦乘金路。其異姓侯伯子男，皆乘象路也。言四衛草路者，亦謂庶姓侯伯子男，皆國木路者，夷狄惟有子男同木路也。無問**王后之五路重翟錫面朱總厭翟祀賓已下皆乘之。**

勒面績總安車彫面鷺總皆有容蓋

重翟重翟雉之羽使

相迫也勒面謂以如玉龍勒之韋為當面飾也彫者畫

之不龍其韋安車坐乘車凡婦人車皆坐乘故書朱總

為總鷺或作繫鄭司農云錫馬面錫總當為總書亦或

為總鷺讀為鳧鷺之鷺鷺總者青黑色以繒為之總著

馬勒直兩耳與兩鑣容謂轡車山東謂之裳幃或曰幃

容立謂朱總績總其施之如鷺總車衡轡亦宜有焉績

畫文也蓋如今小車蓋也皆有容蓋則重翟厭翟謂

蔽也重翟后從王祭祀所乘厭翟后從王賓饗諸侯所

乘安車無蔽后朝見於王所乘謂去飾也詩國風碩人

曰翟蔽以朝謂諸侯夫人始來乘翟蔽之車以朝見於

君盛之也此翟蔽蓋厭翟也然則王后始來乘重翟乎

○重直龍反注同總作動反厭於涉反注同績戶對反

鷺烏兮反劉烏計反乘繩證反下皆坐乘同或如字總

威云檢字林蒼雅及說文皆無此字眾家亦不見有音

者惟昌宗音廢以形聲會意求之實所未是當是廢而

不用乎非其音也李兵廢反本或作總恐是意改也鷺

音烏兮反著直略反鑣表驕反幃昌廉反湏本亦作潼

詩注作童皆音同輶劉音管一音胡瞎反蔽劉音弗下

及文並同一音必世反見賢徧反
下同去起呂反下去戈去毛同
疏王后至容蓋○

疏

釋曰言王后之

五路亦是總目之言也凡言翟者皆謂翟鳥之羽以爲

兩旁之蔽言重翟者皆二重爲之厭翟者謂相次以厭

其本下有翟車者又不厭其本也凡言總者謂以總爲

車馬之飾若婦人之總亦旣繫其本又垂爲飾故皆謂

之總也按下翟車尊於安車而進安車在上者以其翟

車有幄無蓋安車重翟同無幄而有容蓋故進安車與

重厭之車同在上也○注重翟至翟乎○釋曰云勒面

謂以如玉龍勒之韋爲當面飾也者按上龍勒不言面

此勒言面則所施之處不同則上言勒者馬之轡飾皆

是不在面此言勒面則在面矣用物則同故鄭引龍勒

以釋此也云安車坐乘車凡婦人車皆坐乘者按曲禮

上云婦人不立乘是婦人坐乘男子立乘曲禮上大夫

七十而致事若不得謝則必賜之几杖乘安車則男子

坐乘亦謂之安車也若然則王后五路皆是坐乘獨此

得安車之名者以餘者有重翟厭翟翟車輦車之名可

稱此無異物之稱故獨得安車之名也云鷩讀爲鳬鷩

之鷩者從毛詩鳬鷩之篇名鷩者取鳥之鷩色青黑爲

義如以繒爲之總著馬勒直兩耳與兩鑣者先鄭蓋見

當時以況古也云容謂幘車山東謂之裳幘或曰潼容
者按昏禮云婦車亦如之有祿注云祿車裳幘周禮謂
之容又衛詩云漸車幘裳毛氏亦云童容是容潼容與
幘及裳幘為一物也玄謂朱總纘總其施之如鷺總車
衡輅亦宜有焉者後鄭取先鄭總纘著馬勒直兩耳與兩
鑣為本其於車之衡輅亦宜有焉以其皆是革飾之事
故兼施於車也云蓋所以表尊亦所以禦雨故三者皆有
有蓋以況周凡蓋所以表尊亦所以禦雨故三者皆有
之也云皆有蓋則重翟厭翟謂蔽也者按馬氏等
云重翟為蓋今之羽蓋是也為有此嫌故微破之若重
翟厭翟是蓋何須下文云皆有蓋乎是以後鄭約下
王之喪車五乘皆有蔽明后之車言翟者亦謂蔽也云
重翟后從王祭祀所乘者此約王之五路則重翟當云
路后無外事惟祭先王先公羣小祀皆乘此重翟也云
厭翟后從王賓饗諸侯所乘者按內宰職云賓客之裸
獻瑤爵皆贊注云謂王同姓及二王之後王裸賓客亞
王而禮賓獻謂王饗燕亞王獻賓也此時后則乘厭翟
故云從王賓饗諸侯也不言裸者文略耳云安車無蔽
后朝見於王所乘謂去飾也引詩國風碩人曰翟蔽以朝
蔽以其朝王質故去飾也

謂諸侯夫人始來乘翟蔽之車以朝見於君盛之也此翟蔽蓋厭翟也者彼是衛侯之夫人當乘厭翟則上公夫人亦厭翟以其王姬下嫁於諸侯車服不繫於其夫下王后一等不得乘重翟則上公與侯伯夫人皆乘厭翟可知若子男夫人可以乘翟車至於祭祀及嫁皆乘之云然則王后始來乘重翟乎者王姬下嫁下后一等及諸侯夫人皆乘厭翟則王后自然始來乘重翟可知若然王之三夫人與三公夫人同乘翟車九嬪與孤妻同乘夏篆二十七世婦與卿妻同乘夏縵女御與大夫妻同乘墨車士之妻攝盛亦乘墨車非嫁攝盛則乘棧車也諸侯已下夫人祭祀賓饗出桑朝君差之皆可知也若然諸侯夫人亦當有安車以朝君也

貝面組總有握

翟車不重不厭以翟飾車之側爾貝面貝飾勒之當面也有握則此無蓋矣如

今斬車是也后所乘以出桑○握劉音屋于馬皆作幄烏學反沈云劉音非斬薄經反

疏

翟車

握○

釋曰上言朱摠績摠驚摠彼皆以繒爲之今此言

組摠

則以組條爲之摠亦施於勒及兩耳兩鑣并車衡

輶焉○

注翟車至出桑○釋曰翟車不重不厭明以翟

飾車之側可知云貝面貝飾勒之當面也者貝水物謂

餘泉餘蜺之貝文以飾勒之當面者也云有握則此無
蓋矣者但蓋所以禦雨無幄乃施之今既有幄故知無
蓋矣云如今軒車是也者漢法軒車無蓋故舉以況之
云后所乘以出桑者按月令三月薦鞠衣於先帝又后
如親桑於東郊二者皆乘此翟車以其告
先帝非祀親桑又非大事故知乘翟車也
輦車組輓

有翼羽蓋

輦車不言飾后居宮中從容所乘但漆之而
已為輪人輓之以行有翼所以禦風塵以

羽作小蓋為翳日也故書翼為駢杜子春云當為翼書
亦或為駢○輦本作連音輦組音祖輓音晚翼所甲反
從七容反駢音駢市專反駢烏帝

疏

注輦車至為駢○釋

其不言翟又不言面摠之等是不言飾也此無所供事
直是后居宮中從容所乘車也知漆之者凡古之車器
之等皆漆之明此亦有漆也知為輦輪者按禮記云載
以輦車輦車載輅之車則地官蜃車人輓之以行此輦
車組輓亦是人輓行者按雜記注引許氏說文解字曰
有輻曰輪無輻曰駢則人輓行者皆是無輻曰駢按上
雜記注駢崇蓋半乘車之輪乘車高六尺六寸則此當
三尺三寸云有翼所以禦風塵者翼即扇也扇所以為